

Rey di Dande 2012, Eric Ras y Reina di Dande 2012, Marlene van der Linden

ORANJESTAD - Diasabra anochi a tuma luga un biaha mas e Festival di Dande, den Club Caiquetio, e biaha aki tabata tin 13 agrupacion. E Rey di Dande di 2012 a bira Eric Ras, kende pa di tres biaha ta bay cu e corona di Rey di Dande. Eric a ser acompaña pa e agrupacion Sonido di Antaño. Na di dos luga a keda Edjean Semeleer cu a ser acompaña pa Alma Folklorico y na di tercer luga a keda Angelo Koolman cu a ser acompaña pa grupo Stimami. E Reina di Dande di 2012 a bira Marlene van der Linden y a ser acompaña pa e agrupacion Los Hermanos, na di dos luga a keda Jelize Boekhoudt acompaña pa Tipico Cadushi Largo. y di tres luga Janeedy Semeleer. Tambe e anochi aki a honra diferente Musiconan, personanan cu a dedica nan bida na nos musica tipico. E aña aki por a ripara cu mas y mas hobennan a cuminsa subi stage y ta siguiendo cu e tradicion di nos Cultura di Dande, cual ta algo hopi di aprecia, manera un grupo La Bomba cu mayoria ta hoben, tocando y cantando nos Dande. Y asina e cultura di Dande lo sigui pasa pa e futuro generacionnan. Un anochi y un Club Caiquetio no hopi yen pero si yen ambiente. □



Rey di dande, Prome Minister, tambe por mira di dos y di tres ganado hunto cu Xiomara Ruiz Maduro cu tambe a entrega diferente trofeo e anochi aki



E tres damanan cu a sali na prome, di dos y di tres luga



Rey y Reina di Dande 2012 den compañía di Prome Minister di Aruba.



Prome Minister Mike Eman coronando e Reina di Dande 2012

